



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
Komisija za ostvarivanje
jednakosti spolova u BiH
Broj: 01/8-011-495/01
Sarajevo, 18.09.2001 god.

Z A P I S N I K

5. sjednice Komisije za ostvarivanje jednakosti spolova u BiH Zastupničkog doma Parlamentarne skupštine Bosne i Hercegovine, održane 18.rujna 2001.godine

Sjednica je počela u 11 sati.

Sjednicom je predsjedala Violeta Kamberović, predsjedavajući Komisije.

Sjednici su bili nazočni: prof. dr. Mediha Filipović, Bahrija Osmanović, Hilmo Neimarlija, Abdurahman Malkić, Dušan Stokić, Momir Tošić.

Sjednici nisu bili nazočni Mirko Baković i Amor Mašović.

Sjednici su bili nazočni: prof. dr. Nidžara Maglajlić, zastupnik u Zastupničkom domu Parlamenta Federacije BiH, Marsaili Fraser, menadžer Projekta podrške Parlamentu Odjela za demokratizaciju pri OSCE-u, Muhamed Begović, zastupnik u Zastupničkom domu Parlamentarne skupštine BiH i Emira Češljarić, vršilac dužnosti sekretara Komisije.

Za sjednicu je predložen i usvojen sljedeći

D N E V N I R E D

1. Usvajanje Zapisnika sa 4. sjednice sjednice Komisije
2. Izrada Plana rada Komisije za 2001.godinu
3. Izvještaj sa Konferencije o ravnopravnosti spolova u BiH, održane 12. i 13. jula/srpnja 2001. godine
4. Razmatranje Zakona o ravnopravnosti spolova u BiH
5. Razno.

Ad-1

Zapisnik sa 4. sjednice Komisije za ostvarivanje jednakosti spolova u BiH usvojen je bez primjedbi.

Ad-2

Izrada Plana rada Komisije za 2001.godinu

Na 4. sjednici Komisije inicirana je izrada Orjentacionog plana rada za 2001.godinu. Zaključeno je da se Plan rada izradi po utvrđivanju Orjentacionog radnog plana Zastupničkog doma koji je utvrđen od strane Kolegija u proširenom sastavu 6.lipnja 2001. godine i dostavljen članovima.

U raspravi su sudjelovali svi nazočni članovi Komisije.

Zaključeno je da komisija u okviru svog djelokruga kroz zakone i druge materijale koji budu u parlamentarnoj proceduri sa stanovišta ravnopravnosti spolova i sprječavanja diskriminacije žena posebno u zakonu koji reguliše materiju radnih odnosa i zdravstvene zaštite regulišu prava i zaštita žena kao što je noćni rad, zaštita porodilja, jednaka dužina trajanja porodiljskog odsustva na teritoriji BiH.

Predloženo je da se kroz suradnju sa nevladinim organizacijama, te Komisijama na entitetskom nivou, kao i kroz organizaciju seminara uz podršku OSCE-a razmatraju problemi žena, kao što je problem prostitucije, zaposlenosti, materinstva.

U radnom planu komisije potrebno je navesti sporazume o ljudskim pravima koji se primjenjuju Međunarodna konvencija o uklanjanju svih oblika rasne diskriminacije (iz 1965.), Konvencija o uklanjanju svih oblika diskriminacije u odnosu na žene (iz 1979.) kao i druge Konvencije koje se odnose na navedenu materiju, a potpisala ih je BiH.

Ad-3

Izveštaj sa Konferencije o ravnopravnosti spolova u BiH, održane 12. i 13. jula/srpnja 2001. godine, Ilidža

Uvodne napomene o navedenom Izveštaju dala je predsjedavajući Komisije sa koji je dostavljen članovima. Tema Konferencije bila je "Iskustva o donošenju i primjeni Zakona o ravnopravnosti spolova u drugim zemljama.

Izveštaj je prihvaćen.

Ad-4.

Razmatranje Zakona o ravnopravnosti spolova u BiH

Tekst zakona kao radni materijal podjeljen je na sjednici članovima Komisije. Konstatovano je da tekst zakona nije zvanično dostavljen u parlamentarnu proceduru.

Zaključeno je da članovima Komisije tekst Zakona može poslužiti radi upoznavanja sa materijom koja će biti obrađena u Zakonu, a osnova za vođenje rasprave na sjednici Komisije bit će onda kada se od ovlašćenog predlagača Zakon dostavi u parlamentarnu proceduru.

U diskusiji su sudjelovali: Muhamed Begović, ispred Kluba stranke za BiH, prof.dr. Mediha Filipović, Bahrija Osmanović i Abdurahman Malkić.

Ad-5.

Razno


Predsjedavajući Komisije upoznala je prisutne o održavanju "Konferencije za žene članice parlamenata" koja će se održati u Škotskom parlamentu, Edinburg od 28 do 29. rujna 2001. godine. Studijsko putovanje na Konferenciju omogućila je OSCE misija za BiH u okviru Projekta podrške Parlamentu.

Konferenciji će pisustvovati članovi odnosno predsjedavajući Komisija za ravnopravnost spolova iz državnog i entitetskih parlamenata. Teme Konferencije bit će porast učestvovanja žena u parlamentarnoj politici i jačanja doprinosa žena parlamentaraca u političkom životu, zakonodavstvu, upravi i medijima.

Uvodne napomene i informacije u vezi održavanja Konferencije dala je Marsaili Fraser, menadžer Projekta podrške parlamentu. Na Konferenciju putuju: Violeta Kamberović, Parlamentarna skupština BiH, Nidžara Maglajlić, Parlament Federacije BiH i Desanka Rađević, Narodna skupština Republike Srpske. Bit će razmotrena mogućnost da na Konferenciju putuje i vršilac dužnosti sekretara Komisije,

Sjednica je završila u 12,30.

Zapisnik sačinila
Emira Češljarić



Predsjedavajući Komisije
Violeta Kamberović

